



## KOMUNIKADO PA PRENSA

*Fecha*

7 di òktober 2016

*Accountmanager*

Jhanirha Da Costa Gomez-Anita

*Email*

[jhanirha.anita@gobiernu.cw](mailto:jhanirha.anita@gobiernu.cw)

**Proyekto Tereno pa Tur, pero na òrdu sí:**

**Seshon di informashon na Bonam tokante okupashon ilegal di tereno**

Willemstad – For di fin di ougùstùs ora Domeinbeheer a kuminsá ku un serie di seshon di informashon den bario den kuadro di e proyekto 'Tereno pa Tur', ya a tene 3 seshon. Awor ta turno pa e di 4, kual lo tuma lugá djárasen awor 12 di òktober 2016, di 7or pa 9or di anochi na Sentro di Bario Bonam. Porta lo habri for di 6.30 or. E seshonnan ta trata spesífikamente e tema di okupashon ilegal di tereno di gobièrnu.

Habitantenan den e área di Bonam ku ta bin na remarke pa e seshon aki ta esnan ku ta biba na Ronde Klip, Cocorie, Schelpwijk, Brievengat, Muizenberg, Tra'i Seru, Kirindongo Abou, Noord Zapateer, Cas Cora, Abrahams, Popo i Oost Jongbloed.

Durante e seshon Domeinbeheer ta duna presentashon ku informashon detayá tokante entre otro e proyekto 'Tereno pa Tur, pero na Òrdu Sí', e Maneho di Gobièrnu riba okupashon ilegal di Tereno, e prosedura di formalisashon, akshonnan di mantenshon di òrdu (den kaso ku por ehèmpel no hasi petishon pa formalisashon), konsekuensianan ora no por formalisá i perspektivanan ku tin den tapara. Despues di e presentashon tin oportunitat pa hasi pregunta i risibí kontesta.

Tambe lo tin oportunitat pa personanan den e barionan menshoná registrá pa formalisashon. Si un persona ke formalisá e mester bin ku su ID i e persona mester por mustra riba mapa unda mas o ménos su kas/ konstrukshon ta keda.

Domeinbeheer pronto lo organisá seshon di informashon asin'aki den áreanan di Tera Kòrá, Barber i Piscadera. Lo anunsiá e fecha i lokalidat pa kada área despues. Minister di Tráfiko, Transporte i Planifikashon Urbano, Señora Suzanne Camelia-Römer huntu ku Domeinbeheer ta spera ku tur habitante lo partisipá na e seshonnan aki.

---

### **Nota pa redakshon – No pa publikashon**

*Bosero: Clifton Wallé*

*Tel. 514-0707*

*Kontakto via di Domeinbeheer*

*Vinanshely Bonovasia*

*Tel. 462-5176*